



**Bosna i Hercegovina  
Parlamentarna skupština  
Bosne i Hercegovine  
Dom naroda**

Broj:02-011-80/01  
Sarajevo,20.03.2001.godine.

**Z A P I S N I K  
sa prve konstituirajuće sjednice Doma naroda Parlamentarne skupštine BiH,  
održane 20.03.2001.godine.**

Sjednica je počela sa radom u 13:00 sati.Sjednicu je sazvaio i otvorio g.Drago Ljubičić, predsjedavajući Doma naroda u starom sazivu.G.Ljubičić je pozdravio prisutne i svima se zahvalio na dosadašnjoj saradnji, poželio puno uspjeha u radu novom sazivu Doma naroda i pozvao najstarijeg delegata u Domu naroda da preuzme mjesto privremenog predsjedavajućeg kako je i određeno Poslovníkom Doma naroda Parlamentarne skupštine BiH.

Po preuzimanju dužnosti privremenog predsjedavajućeg Doma naroda Parlamentarne skupštine BiH g.Ilija Šimić je pročitao listu delegata koji sačinjavaju Dom naroda i to:

Iz reda bošnjačkog naroda: Džaferović Šefik, Genjac Halid, Jusufović Munib, Spahić Ibrahim, Tokić Sejfudin;

Iz reda hrvatskog naroda : Divković Ivo, Ivanković Jerko, Sušac Niko, Šimić Ilija, Živković Ivo;

Iz reda srpskog naroda: ILIĆ Dragutin, Novaković Momčilo, Rodić Dragutin, Špirić Nikola, Turjančanin Goran.

Predsjedavajući je konstatovao da su svi delegati prisutni osim dr.Halida Genjca koji je službeno odsutan i koji je opravdao odsustvo.

Nakon što je g.Ilija Šimić pročitao listu delegata koji sačinjavaju Dom naroda pozvao je delegate da polože zakletvu po proceduri i da se potpišu na svečanu izjavu.Nakon što su delegati položili zakletvu i potpisali svečanu izjavu g.Ilija Šimić im je čestitao i predložio dnevni red.Pošto se niko nije javio za diskusiju oko dnevnog reda, predsjedavajući je dao na glasanje dnevni red koji je jednoglasno usvojen i predsjedavajući je konstatovao da je za prvu konstituirajuću sjednicu usvojen sljedeći

**D N E V N I R E D :**

1. Osnivanje klubova naroda;
2. Izbor predsjedavajućeg i zamjenika predsjedavajućeg Doma naroda;
3. Izbor članova komisija Doma naroda.

**Ad.1. Osnivanje klubova naroda**

Privremeni predsjedavajući je zamolio predstavnike klubova da izlaze po abecednom redu i da izvjestite dom o konstituisanju kluba i izboru predsjednika i zamjenika predsjednika kluba.

Prvo je izašao predstavnik Kluba bošnjačkog naroda Munib Jusufović i obavjestio prisutne da je konstituisan Klub bošnjačkog naroda i da je za predsjednika Kluba izabran Munib Jusufović, a da će se zamjenik predsjednika kluba izabrati na sljedećoj sjednici Kluba bošnjačkog naroda.

Ispred Kluba hrvatskog naroda prisutne je obavjestio Ivo Divković da je konstituisan Klub hrvatskog naroda i da je za predsjednika izabran Ivo Divković, a za zamjenika predsjednika Kluba hrvatskog naroda Ivo Živković.

U ime Kluba delegata srpskog naroda prisutnima se obratio Dragutin Ilić i obavjestio ih da je konstituisan Klub delegata iz srpskog naroda i za predsjednika Kluba izabran je Momčilo Novaković, a za njegovog zamjenika Dragutin Rodić.

## **Ad.2. Izbor predsjedavajućeg i zamjenika predsjedavajućeg Doma naroda**

Nakon što je privremeni predsjedavajući upoznao prisutne o proceduri izbora članova kolegija iz sva tri naroda i to tako da prvo iz reda hrvatskog naroda treba biti predsjedavajući, zatim iz reda bošnjačkog naroda prvi zamjenik predsjedavajućeg i iz reda srpskog naroda drugi zamjenik predsjedavajućeg Doma naroda Parlamentarne skupštine BiH koji će se rotirati u jednakim vremenskim intervalima do isteka mandata usljedila je kraća rasprava iz razloga što je Klub delegata iz reda srpskog naroda smatrao da predsjedavajući treba biti iz reda srpskog naroda. U raspravi su učestvovali delegati Momčilo Novaković, Nikola Špirić, Ivo Divković i sekretar doma Jadranko Tomić. Nakon kraće pauze delegati su usaglasili stavove i prihvatio se princip izbora kako je privremeni predsjedavajući na početku predložio.

Privremeni predsjedavajući je prema redosljedu pozvao predsjednika Kluba hrvatskog naroda da iznese prijedlog za predsjedavajućeg Doma naroda. Predsjednik Kluba hrvatskog naroda je predložio g. Iliju Šimića za predsjedavajućeg Doma naroda. Privremeni predsjedavajući je pitao ima li još nekih prijedloga ostale delegate. Za riječ se javio g. Džaferović Šefik koji je u svojoj diskusiji između ostalog rekao da će biti suzdržan u izboru predsjedavajućeg i zamjenika predsjedavajućih. Nakon toga prešlo se na glasanje. Od ukupno 14 prisutnih delegata ZA je glasalo 13, 1 suzdržan i niko protiv. Privremeni predsjedavajući je konstatovao da nema potrebe za entitetskim glasanjem i da je za predsjedavajućeg Doma naroda izabran Ilija Šimić.

Munib Jusufović je ispred Kluba bošnjačkog naroda predložio g. Sejfudina Tokića za prvog zamjenika predsjedavajućeg Doma naroda. Predsjedavajući je pitao ima li još prijedloga i pošto je konstatovao da je g. Sejfudin Tokić jedini kandidat za prvog zamjenika predsjedavajućeg Doma naroda, prešlo se na glasanje. Od 14 prisutnih delegata 13 je glasalo ZA sa jednim suzdržanim glasom, bez glasova protiv predsjedavajući je konstatovao da je g. Sejfudin Tokić izabran za prvog zamjenika predsjedavajućeg Doma naroda i da nema potrebe za entitetskim glasanjem.

U ime Kluba srpskog naroda Momčilo Novaković je predložio za drugog zamjenika predsjedavajućeg Doma naroda delegata g. Nikolu Špirića. Pošto nije bilo drugih prijedloga, prešlo se na glasanje i sa 13 glasova ZA i jednim suzdržanim glasom bez glasova protiv, Nikola Špirić je izabran za drugog zamjenika predsjedavajućeg Doma naroda Parlamentarne skupštine BiH.

## **Ad.3. Izbor članova komisija Doma naroda**

Predsjedavajući Doma naroda je upoznao delegate da u Domu naroda postoje tri komisije koje broje po šest članova i to tako da iz svakog naroda moraju biti zastupljena po dva delegata u svakoj komisiji. Predsjedavajući je obavjestio delegate da se za ovu tačku dnevnog reda trebaju izabrati samo članovi komisija, a da će članovi Kolegija naknadno sazvati sjednicu Komisija gdje će se vršiti izbor Predsjedavajućih i zamjenika predsjedavajućih komisija.

Predsjedavajući je pozvao predsjednike Klubova da daju svoje prijedloge za sastav komisija i da se glasa o prijedlozima.

Dom naroda je jednoglasno prihvatio i glasao o predloženim članovima u komisijama tako da su one konstituisane u sljedećem sastavu:

### **1. USTAVNO - PRAVNA KOMISIJA**

- ✓ Šefik Džaferović
- ✓ Sejfudin Tokić
- ✓ Niko Sušac
- ✓ Ivo Živković
- ✓ Nikola Špirić
- ✓ Dragutin Rodić

### **2. KOMISIJA ZA VANJSKU I TRGOVINSKU POLITIKU**

- ✓ Ibrahim Spahić
- ✓ Halid Genjac
- ✓ Jerko Ivanković
- ✓ Ivo Divković
- ✓ Dragutin Ilić
- ✓ Goran Turjačanin

### **3. KOMISIJA ZA FINANSIJSKE I ADMINISTRATIVNE POSLOVE**

- ✓ Munib Jusufović
- ✓ Šefik Džaferović
- ✓ Ilija Šimić
- ✓ Jerko Ivanković
- ✓ Momčilo Novaković
- ✓ Dragutin Ilić

Nakon što je okončan dnevni red delegatima su se pored predsjednika Klubova naroda zahvalili i članovi kolegija Doma naroda kao i delegati Ibrahim Spahić i najmlađi delegat u Domu naroda Parlamentarne skupštine BiH Jerko Ivanković.

Sjednica je završila sa radom u 14:40 sati.

Neautorizirani transkript čini sastavni dio zapisnika.

*Predsjedavajući  
Doma naroda  
mr. Ilija Šimić s.r.*

